



鴻雁之什故訓傳第十八

毛詩小雅

鄭氏箋

鴻雁美宣王也萬民離散不安其居而能勞來還定安

集之至於矜寡無不得其所焉宣王承厲王衰亂之敝而起興復先王之道以

安集眾民為始也書曰天將有立父母民之有政有居宣王之為是務

鴻雁于飛肅肅其羽傳興也大曰鴻小曰雁肅肅羽聲也

箋云鴻雁知辟陰陽寒暑興者喻民知去無道就有道之子于征劬勞于野傳之

子侯伯卿士也劬勞病苦也箋云侯伯卿士謂諸侯之伯與天子卿士也是時民

既離散邦國有壞滅者侯伯久不述職王使廢於存省諸侯於是始復之故美焉爰及矜人哀

此鰥寡傳矜憐也老無妻曰鰥偏喪曰寡箋云爰曰也王之意不徒

使此為諸侯之事與安集萬民而已王曰當及此可憐之人謂貧窮者欲令賜餼之鰥寡則哀之其孤獨者收

斂之使有所依附

鴻雁于飛集于中澤傳中澤澤中箋云鴻雁之性安居澤中今飛又集於澤中猶

民去其居而離散之子于垣百堵皆作傳一丈為板五

板為堵箋云侯伯卿士又於壞滅之國徵民起屋舍築牆壁百堵同時而起言趨事也春秋傳曰五板

為堵五堵為雉雉長三丈則板六尺雖則劬勞其究安宅傳究窮也箋云此勸

萬民之辭女今雖病勞終有安居

鴻雁于飛哀鳴嗃嗃傳未得所安集則嗃嗃然箋云此之子所未至

者維此哲人謂我劬勞箋云此哲人謂知王之意及維

彼愚人謂我宣驕傳宣示也箋云謂我役作眾民為驕奢

鴻雁三章章六句

庭燎美宣王也因以箴之諸侯將朝宣王以夜未央之時問夜早晚美者美其能自

勤以政事因以箴者王有雞人之官凡國事為期則告之以時王不正其官而問夜早晚

夜如何其箋云此宣王以諸侯將朝夜未央庭燎之光起日夜如何其問早晚之辭夜未央庭燎之光

君子至止鸞聲將將傳央旦也庭燎大燭也君子諸侯

也將將鸞鑣聲也箋云夜未央猶言夜未渠央也而於庭設大燭使諸侯早來朝聞鸞聲將

然將

夜如何其夜未艾庭燎晰晰君子至止鸞聲噦噦傳艾久

也晰晰明也噦噦徐行有節也箋云艾末曰艾以言夜先雞鳴時

夜如何其夜鄉晨庭燎有輝君子至止言觀其旂傳輝光

也箋云晨明也上二章聞鸞聲爾今夜鄉明我見其旂是朝之時也朝禮別色始入

庭燎三章章五句

沔水規宣王也規者正圓之器也規主仁恩也以恩親正君曰規春秋傳曰近臣盡規

沔彼流水朝宗于海傳興也沔水流滿也水猶有所朝宗

箋云興者水流而入海小就大也喻諸侯朝天子亦猶是也諸侯春見天子曰朝夏見曰宗駉彼飛

隼載飛載止箋云載之言則也言隼欲飛則飛欲止則止喻諸侯之自驕恣欲朝不朝自由無所

也懼心嗟我兄弟邦人諸友莫肯念亂誰無父母傳邦人

諸友謂諸侯也兄弟同姓臣也京師者諸侯之父母也

箋云我我王也莫無也我同姓異姓之諸侯女自恣聽不朝無肯念此於禮法為亂者女誰無父母乎言皆生

於父母也臣之道資於事父以事君

沔彼流水其流湯湯傳言放縱無所入也箋云湯湯波流盛貌喻諸侯奢

僭既不朝天子復不事侯伯駉彼飛隼載飛載揚傳言無所定止也

箋云則飛則揚喻諸侯出兵妄相侵伐念彼不蹟載起載行心之憂矣不

可弭忘傳不蹟不循道也弭止也箋云彼彼諸侯也諸侯不循法度妄興師

出兵我念之憂不能忘也

馱彼飛隼率彼中陵箋云率循也隼之性待鳥雀而食飛

順法度者亦民之訛言寧莫之懲傳懲止也箋云訛偽也言時不

令小人好詐偽為交易之我友敬矣讒言其興傳疾王

不能察讒也箋云我我天子也友謂諸侯也言諸侯有

之王與侯伯不當察之

河水三章二章章八句一章六句

鶴鳴誨宣王也誨教也教宣王求賢人之未仕者

鶴鳴于九臯聲聞于野傳興也臯澤也言身隱而名著也

箋云臯澤中水溢出所為坎自外數至九喻深遠也鶴在中鳴焉而野聞其鳴聲興者喻賢者雖隱居人咸知

之魚潛在淵或在于渚傳良魚在淵小魚在渚箋云此言魚之

性寒則逃於淵溫則見於渚喻賢者世亂則隱治平則出在時君也樂彼之園爰有樹檀

其下維樺傳何樂於彼園之觀乎樺落也尙有樹檀而

下其樺箋云之往爰日也言所以之彼園而觀者人曰有樹檀檀下有樺此猶朝廷之尙賢者而下小

人是以他山之石可以為錯傳錯石也可以琢玉舉賢

用滯則可以治國箋云他山喻異國

鶴鳴于九臯聲聞于天箋云天高遠也魚在于渚或潛在淵箋云

則魚去渚逃於淵樂彼之園爰有樹檀其下維穀傳穀惡木也

他山之石可以攻玉傳攻錯也

毛詩小雅
鶴鳴二章章九句

祈父刺宣王也刺其用祈父不得其人也官非其人則職廢祈父之職掌六軍之事有九伐之

法祈圻畿同

祈父傳祈父司馬也職掌封圻之兵甲箋云此司馬也時人以其職號之故

曰祈父書曰若壽圻父謂司馬也司馬掌祿士故司士屬焉又有司右主勇力之士予王之爪牙

胡轉予于恤靡所止居傳恤憂也宣王之末司馬職廢

羌戎為敗箋云予我轉移也此勇力之士責司馬之辭也我乃王之爪牙爪牙之士當為王閑守之

衛女何移我於憂使我無所止居乎謂見使從軍與羌戎戰於干畝而敗之時也六軍之士出自六鄉法不取於王之爪牙之士

祈父子王之爪士傳士事也胡轉予于恤靡所底止傳底

至也

祈父亶不聰傳亶誠也胡轉予于恤有母之尸饔傳尸陳

也熟食曰饔箋云己從軍而母為父陳饌飲食之具自傷不得供養也

祈父三章章四句

白駒大夫刺宣王也刺其不能畱賢也

皎皎白駒食我場苗繫之維之以永今朝傳宣王之末不

能用賢賢者有乘白駒而去者繫絆維繫也箋云永久也願此去

者乘其白駒而來使食我場中之苗我所謂伊人于焉則絆之繫之以久今朝受之欲畱之

逍遙箋云伊當作繫繫猶是也所謂是乘白駒而去之賢人今於何游息乎思之甚也

皎皎白駒食我場藿繫之維之以永今夕傳藿猶苗也夕

猶朝也所謂伊人于焉嘉客

皎皎白駒賁然來思傳賁飾也箋云願其來而得見之易卦曰山下有火賁賁黃白

也爾公爾侯逸豫無期傳爾公爾侯邪何為逸樂無期

以反也慎爾優游勉爾遁思傳慎誠也箋云誠女優游使待時也勉女

遁思度己終不得見自決之辭

皎皎白駒在彼空谷傳空大也生芻一束其人如玉箋云此戒

之也女行所舍主人之饋雖薄要就賢人其德如玉然毋金玉爾音而有遐心箋云

毋愛女聲音而有遠我之心以恩責之也

白駒四章章六句

黃鳥刺宣王也刺其以陰禮教親而不至聯兄弟之不固

黃鳥黃鳥無集于穀無啄我粟傳興也黃鳥宜集木啄粟

者喻天下室家不以其道而相去是失其性此邦之人

不我肯穀傳穀善也箋云不肯以善道與我言旋言歸復我邦族

傳宣王之末天下室家離散如匹相去有不以禮者箋云

言我復反也

黃鳥黃鳥無集于桑無啄我梁此邦之人不可與明傳不

可與明夫婦之道箋云明當為盟盟信也言旋言歸復我諸兄傳

婦人有歸宗之義箋云宗謂宗子也

黃鳥黃鳥無集于栩無啄我黍此邦之人不可與處傳處

居也言旋言歸復我諸父傳諸父猶諸兄也

黃鳥三章章七句

我行其野刺宣王也刺其不正嫁取之數而有荒政多淫昏之俗

我行其野蔽芾其樛昏姻之故言就爾居傳樛惡木也箋

樛之蔽芾始生謂仲春之時嫁取之月婦之父婿之父相謂昏姻言我也我乃以此二父之命故我就女居我豈其無禮來爾不我畜復我邦家傳畜養也箋云宣王乎責之也

失道以求外昏棄其舊姻而相怨

我行其野言采其蕞昏姻之故言就爾宿傳蕞惡菜也箋

蕞牛蕞也亦仲春時生可采也爾不我畜言歸斯復傳復反也

我行其野言采其蕞不思舊姻求爾新特傳蕞惡菜也新

特外昏也箋云蕞蕞也亦仲春時生可采也婿之父曰姻我采蕞之時以禮來嫁女女不思女老父之命而棄我而求女新外昏特來之女責之也不以禮嫁必無肯媵之成不以富亦祇以

異傳祇適也箋云女不以禮為室事成事不足以得富也女亦適以此自異於人道言可惡也

我行其野三章章六句

斯干宣王考室也考成也德行國富人殷眾而皆佼好骨肉和親宣王於是築宮廟羣寢

既成而釁之歌斯千之詩以落之此之謂成室宗廟成則又祭祀先祖

秩秩斯干幽幽南山傳興也秩秩流行也干澗也幽幽深

遠也箋云興者喻宣王之德如澗水之源秩秩流如竹出無極已也國以饒富民取足焉如於深山如竹

苞矣如松茂矣傳苞本也箋云言時民殷眾如竹之本生矣其佼好又如松柏之暢

矣兄及弟矣式相好矣無相猶矣傳猶道也箋云猶當作瘡瘡病

也言時人骨肉用是相愛好無相詬病也

似續妣祖傳似嗣也箋云似讀如巳午之巳巳續妣祖者謂巳成其宮廟也妣先妣姜嫄也祖

也先祖築室百堵西南其戶傳西鄉戶南鄉戶也箋云此

謂築燕寢也百堵百堵一時起也天子之寢有左右房西其戶者異於一房者之室戶也又云南其戶者宗廟

及路寢制如明堂每室四戶是室一南戶爾爰居爰處爰笑爰語箋云爰於

於是處於是笑於是語言諸寢之中皆可安樂

約之閣閣椽之橐橐傳約束也閣閣猶歷歷也橐橐用力

也箋云約謂縮板也椽謂搆土也風雨攸除鳥鼠攸去君子攸芋傳芋

大也箋云芋當作樨樨覆也寢廟既成其牆屋弘殺則風雨之所除也其堅致則鳥鼠之所去也其堂室

相稱則君子之所覆蓋

如跂斯翼傳如人之跂竦翼爾如矢斯棘如鳥斯革傳棘

稜廉也革翼也箋云棘戟也如人挾弓矢戟其肘如鳥夏暑希革張其翼時如翬斯

飛君子攸躋傳躋升也箋云伊洛而南素質五色皆備成章曰翬此章四如者皆謂廉

隅之正形貌之顯也輦者鳥之奇異者也故以成之焉此章主於宗廟君子所升祭祀之時

殖殖其庭有覺其盈傳殖殖言平正也有覺言高大也箋云

覺直也噲噲其正噦噦其冥傳正長也冥幼也箋云噲噲猶快快也

正晝也噦噦猶焯焯也冥夜也言居之晝日則快快然夜則焯焯然皆寬明之貌君子攸寧箋云

此章主於寢君子所安燕息之時

下莞上簟乃安斯寢箋云莞小蒲之席也竹葦曰簟寢既成乃鋪席與羣臣安燕為歡以落之

乃寢乃興乃占我夢傳言善之應人也箋云興夙興也

吉夢維何維熊維羆維虺維蛇箋云熊羆之獸虺蛇之蟲此四者夢之吉祥也

大人占之維熊維羆男子之祥維虺維蛇女子之祥箋云

占之謂以聖人占夢之法占之也熊羆在山陽之祥也故為生男虺蛇穴處陰之祥也故為生女

乃生男子載寢之牀載衣之裳載弄之璋傳半珪曰璋裳

下之飾也璋臣之職也箋云男子生而臥於牀尊之也裳晝日衣也衣以裳者明當主

於外事也玩以璋者欲其比德焉玉以璋者明成之有漸其泣嗶嗶朱芾斯皇室家

君王箋云皇室猶煌煌也芾者天子純朱諸侯黃朱室家一之內宣王所生之子或且為諸侯或且為天

子皆將佩朱芾煌煌然

乃生女子載寢之地載衣之裼載弄之瓦傳裼裸也瓦紡

塼也箋云臥於地卑之也裸夜衣也明無非無儀唯酒當主於內事紡塼習其所有事也

食是議無父母詒罹傳婦人質無威儀也罹憂也箋云儀善

也婦人無所專於家事有非非婦人也有善亦非婦人也婦人之事惟議酒食爾無遺父母之憂

斯千九章四章章七句五章章五句

無羊宣王考牧也厲王之時牧人之職廢宣王始興而復之至此而成謂復先王牛羊之數

誰謂爾無羊三百維羣誰謂爾無牛九十其牯傳黃牛黑

脣曰牯箋云爾女也女宣王也宣王復古之牧法汲汲於其數故歌此詩以解之也誰謂女無羊今乃

三百頭為一羣誰謂女無牛今乃爾羊來思其角泚泚牯者九十頭言其多矣足如古也

傳聚其角而息泚泚然箋云言此者美畜產得其所爾牛來思其耳

溼溼傳伺而動其耳溼溼然

或降于阿或飲于池或寢或訛傳訛動也箋云言此者美其無所驚畏也

爾牧來思何蓑何笠或負其餼傳何揭也蓑所以備雨

笠所以禦暑箋云言此者美牧人寒暑飲食有備三十維物爾牲則具傳

異毛色者三十也箋云牛羊之色異者三十則女之祭祀索則有之

爾牧來思以薪以蒸以雌以雄箋云此言牧人有餘力則取薪蒸搏禽獸以來歸也

麤曰薪爾羊來思矜矜兢兢不騫不崩傳矜矜兢兢以

言堅彊也騫虧也崩羣疾也麾之以肱畢來既升傳肱

臂也升升入牢也箋云此言擾馴從人意也

牧人乃夢眾維魚矣旒維旟矣箋云牧人乃夢見人眾相與捕魚又夢見旒與旟占

夢之官得而獻之於大人占之眾維魚矣實維豐年傳

陰陽和則魚眾多矣箋云魚者庶人之所以養也今人眾相與捕魚則是歲熟相供養之祥也易中孚卦曰豚魚吉旒維旟矣室家溱溱傳溱溱眾也旒旟所

以聚眾也箋云溱溱子孫眾多也

無羊四章章八句

鴻雁之什十篇三十二章二百三十句

節南山之什故訓傳第十九

毛詩小雅

鄭氏箋

節南山家父刺幽王也家父字周大夫也

節彼南山維石巖巖傳興也節高峻貌巖巖積石貌箋云興者

喻三公之位人所尊嚴赫赫師尹民具爾瞻憂心如惓不敢戲談

傳赫赫顯盛貌師大師周之三公也尹尹氏為大師具

俱瞻視惓燔也箋云此言尹氏女居三公之位天下之民俱視女之所為皆憂心如火灼爛之

矣又畏女之威不敢相戲而言國既卒斬何用不監傳

卒盡斬斷監視也箋云天下之諸侯日相侵伐其國已盡絕滅女何用為職不監察之

節彼南山有實其猗

傳實滿猗長也

箋云猗倚也言南山既能高峻又以草木

平滿其旁倚之畎谷使之齊均也

赫赫師尹不平謂何

箋云責三公之不均平不如山之為也謂何

猶云何也

天方薦瘥喪亂弘多

傳薦重瘥病弘大也

箋云天氣方今又重以疫病長幼相亂而死喪甚大多也

民言無嘉憯莫懲嗟

會也

箋云懲止也天下之民皆以災害相弔唁無一嘉慶之言會無以恩德止之者嗟乎奈何

尹氏大師維周之氏秉國之均四方是維天子是毗俾民

不迷

傳氏本均平毗厚也

箋云氏當作桎鐻之桎毗輔也言尹氏作大師之官為周

之桎鐻持國政之平維制四方上輔天子下教化天下使民無迷惑之憂言任至重

不弔昊天不

宜空我師

傳弔至空窮也箋云至猶善也不善乎昊天愬之也不宜使此人居尊官

困窮我之眾民也

弗躬弗親庶民弗信弗問弗仕勿罔君子

傳庶民之言不可信勿罔上而行也

箋云仕察也勿當作末此言王之政不躬而親之則恩澤不信於眾

民矣不問而察之則下民末罔其上矣

式夷式已無小人殆

傳式用夷平

也用平則已無以小人之言至於危殆也

箋云殆近也為政當用平

正之人用能紀理其事者無小人近瑣瑣姻亞則無膺仕

傳瑣瑣小貌兩

箋云瑣瑣昏姻妻黨之小人無厚任用之置之大位重

其祿也

昊天不傭降此鞠訥昊天不惠降此大戾

傳傭均鞠盈訥

訟也箋云盈猶多也戾乖也昊天乎師氏為政不均乃化疾時民傲為君子如屆俾民心闕君子如夷惡怒是

違傳 屆極闕息夷易違去也箋云屆至也君子斥在位者如行至誠之道則民鞠誦之心息如行平易之政則民乖爭之情去言民之失由於上可反復也

不弔昊天亂靡有定式月斯生俾民不寧憂心如醒誰秉

國成傳 病酒曰醒成平也箋云弔至也至猶善也定止式用也不善乎昊天天下之亂無有止之者用月此生言月月益甚也使民不得安我今憂之如病酒之醒矣觀此君臣誰能持國之平乎言無不自為政卒勞百姓箋云卒終也昊天不自出政

有也出圖書有所授命民乃得安

駕彼四牡四牡項領傳項大也箋云四牡者人君所乘用今但養大其領不肯為用

喻大臣自恣我瞻四方蹙蹙靡所騁傳騁極也箋云蹙王不能使也之貌我視四方土地日見侵削於夷狄蹙蹙然雖欲馳騁無所之也

方茂爾惡相爾矛矣傳茂勉也箋云相視也方爭訟自勉於惡之時則視女子矛矣言欲戰鬪相既夷既懌如相疇矣傳懌服也箋云夷說也殺傷矣懌服也言大臣之乖

爭本無大讐其已相和順而說擇則如賓主飲酒相疇酢也

昊天不平我王不寧不懲其心覆怨其正傳正長也箋云

乎師尹為政不平使我王不得安寧女不懲止女之邪心而反怨憎其正也

家父作誦以究王訥傳家父大夫也箋云究窮也大夫家父作此詩而為王誦

之以窮極王之政所致多訟之本意式訛爾心以畜萬邦箋云訛化畜養也

節南山十章六章章八句四章章四句

正月大夫刺幽王也

正月繁霜我心憂傷傳正月夏之四月繁多也箋云夏之四月建巳

之月純陽用事而霜多急恒寒若民之訛言亦孔之將

之異傷害萬物故心為之憂傷傳將大也箋云訛偽也人以偽言相陷人使王行念我

獨兮憂心京京哀我小心瘋憂以痒傳京京憂不去也

瘋痒皆病也箋云念我獨兮者言我獨憂此政也

父母生我胡俾我瘡不自我後傳父母謂文武

也我我天下瘡病也箋云自從也天使父母生我何故不長遂我而使我遭此暴虐之政

而病此何不出我之前居我好言自口莠言自口傳莠

醜也亦從女口出女口一爾善也惡也同出其中謂其

可憂心愈愈是以有侮傳愈愈憂懼也箋云我心憂政如是是與訛言

者殊塗故用是見侵侮也

憂心惇惇念我無祿傳惇惇憂意也箋云無祿者言不得天祿自傷值今生也

民之無辜并其臣僕傳古者有罪不入於刑則役之園

土以為臣僕箋云辜罪也人之尊卑有十等僕第九臺第十言王既刑殺無罪并及其家之賤者

不止於所罪而已書哀我人斯于何從祿箋云斯此于日越茲麗刑并制

我民人見遇如此當於**瞻烏爰止于誰之屋**傳富人之

屋烏所集也箋云視烏集於富人之室以言今民亦當求明君而歸之

瞻彼中林侯薪侯蒸傳中林林中也薪蒸言似而非箋云

也林中大木之處而維有薪蒸爾喻朝廷宜有賢者而但聚小人民今方殆視天夢夢

傳王者為亂夢夢然箋云方且也民今且危亡視王者所為反夢夢然而亂無統理安人

之意既克有定靡人弗勝傳勝乘也箋云王既能有所定向復事之小者爾無

人而不勝言凡人所定皆勝王也有皇上帝伊誰云憎傳皇君也箋云伊讀

當為繫繫猶是也有君上帝者以情告天也使王暴虐如是是憎惡誰乎欲天指害其所憎而已

謂山蓋卑為岡為陵傳在位非君子乃小人也箋云此喻為君子賢

者之道人尚謂之卑況為凡庸小人之行民之訛言寧莫之懲箋云小人在位曾無欲止

眾民之為偽言相陷害也召彼故老訊之占夢傳故老元老訊問也

箋云君臣在朝侮慢元老名之不問政事但問占夢不尚道德而信徵祥之甚具曰予聖誰知

烏之雌雄傳君臣俱自謂聖也箋云時君臣賢愚通同如烏雌雄相似誰能別

異之乎

謂天蓋高不敢不局謂地蓋厚不敢不踏維號斯言有倫

有脊傳局曲也踏累足也倫道脊理也箋云局踏者天高而有雷霆地

厚而有陷淪也此民疾苦王政上下皆可畏怖之言也維民號呼而發此言皆有道理所以至然者非徒苟妄

為証辭哀今之人胡為虺蜴傳虺蜴蝮也箋云虺蜴之性見人則走哀哉今之

人何為如是
傷時政也

瞻彼阪田有苑其特

傳言朝廷曾無傑臣

箋云阪田崎嶇
堯堯之處而有

苑然茂特之苗喻賢
者在閒辟隱居之時

天之抗我如不我克

傳抗動也

箋云我特苗也天以風雨動搖
我如將不勝我謂其迅疾也

彼求我則如不我得

箋云王也王之始徵求我如恐
不得我言其禮命之繁多執我仇仇亦不我力

傳仇仇

猶警警也不問我在位之功力言其有貪賢之名無用

賢之實

心之憂矣如或結之今茲之正胡然厲矣

傳厲惡也

正長也心憂如有結之者憂今
此之君臣何一然為惡如是

燎之方揚寧或滅之

傳

箋云火田為燎燎之方盛之時炎熾燥怒
寧有能滅息之者言無有也以無有餘有

之者為甚也

赫赫宗周褒姒威之

傳宗周鎬京也褒國也姒

姓也威滅也有褒國之女幽王惑焉而以為后詩人知

其必滅周也

終其永懷又窘陰雨

傳窘困也

箋云窘仍也終王之所行
其長可憂傷矣又將仍憂

於陰雨陰雨喻
君有泥陷之難

其車既載乃棄爾輔

傳大車重載又棄

其輔

箋云以車之載物喻王之
任國事也棄輔喻遠賢也

載輸爾載將伯助予

傳

箋云輸墮也棄女車輔則墮女之載乃請
將請伯長也長者見助以言國危而求賢者已晚矣

無棄爾輔員于爾輻

傳員益也屢顧爾僕不輸爾載

也僕將車者也終踰絕險曾是不意箋云女不棄車之顧猶視也念也是踰度陷絕之險女曾不以是為意乎以商事喻治國也

魚在于沼亦匪克樂潛雖伏矣亦孔之炤傳沼池也箋云池魚

之所樂而非能樂其潛伏於淵又不足以逃甚炤炤易見以喻時賢者在朝廷道不行無所樂退而窮處又無所止憂心慘慘念國之為虐傳慘慘猶戚戚也

彼有旨酒又有嘉殽傳言禮物備也箋云彼彼尹氏大師也洽比其

鄰昏姻孔云傳洽合鄰近云旋也是言王者不能親親

以及遠箋云云猶友也言尹氏富獨與兄弟相親友為朋黨也念我獨兮憂心慙

慙傳慙慙然痛也箋云此賢者孤特自傷也

仳仳彼有屋蔌蔌方有穀傳仳仳小也蔌蔌陋也箋云穀

言小人富而民今之無祿天天是椽傳君天之在位椽

之箋云民於今而無祿者天以薦瘥天殺之是王者之政又復椽破之言遇害甚也 哿矣富人

哀此惇獨傳哿可獨單也箋云此言王政如是富人猶可惇獨將困也

正月十三章八章章八句五章章六句

十月之交大夫刺幽王也當為刺厲王作故訓傳時移其篇第因改之耳節刺師尹

不平亂靡有定此篇譏皇父擅恣日月告凶正月惡褒如滅周此篇疾豔妻煽方處又幽王時司徒乃鄭桓公友非此篇之所云番也是以知然

十月之交朔日辛卯日有食之亦孔之醜傳之交日月之

交會醜惡也

箋云周之十月夏之八月也八月朔日日月交會而日食陰侵陽臣侵君之象日辰

之義日為君辰為臣辛金也卯木也又以卯侵辛故甚惡也

彼月而微此日而微

月臣道日君道

箋云微謂不明也彼月則有微今此日反微非其常為異尤大也

下民亦孔之哀

箋云君臣失道災害將起故下民亦甚可哀

日月告凶不用其行四國無政不用其良

箋云告凶告天下以凶亡之微

也行道度也不用之者謂相干犯也四彼月而食則維方之國無政治者由天子不用善人也

其常此日而食于何不臧

箋云臧善也

燿燿震電不寧不令

傳燿燿震電貌震雷也

箋云雷電過常天下不安

政教不善之徵**百川沸騰山冢峯崩****傳**沸出騰乘也山頂曰冢

箋云峯者崔嵬百川沸出相乘陵者由貴小人也山頂崔嵬者崩君道壞也

高岸為谷深谷

為陵

傳言易位也

箋云易位者君子居哀今之人胡憚

莫懲

箋云憚曾懲止也變異如此禍亂方至哀哉今在位之人何曾無以道德止之

皇父卿士番維司徒家伯維宰仲允膳夫聚子內史蹶維

趣馬楛維師氏豔妻煽方處

傳豔妻褒姒美色曰豔煽

熾也

箋云皇父家伯仲允皆字番聚蹶楛皆氏厲王淫於色七子皆用后嬖寵方熾之時並處位言妻黨

盛女謁行之甚也敵夫曰妻司徒之職掌天下土地之圖人民之數冢宰掌建邦之六典皆卿也膳夫上士也

掌王之飲食膳羞內史中大夫也掌爵祿廢置殺生子奪之法趣馬中士也掌王馬之政師氏亦中大夫也掌

司朝得失之事六人之中雖官有尊卑權寵相連朋黨於朝是以疾焉皇父則為之端首兼擅羣職故但目以

卿士云

抑此皇父豈曰不時胡為我作不即我謀徹我牆屋田卒

汙萊傳時是也下則汙高則萊箋云抑之言噫噫是皇父疾而呼之女豈曰我

所為不是乎言其不自知惡也女何為役作我不先就與我謀使我得遷徙乃反徹毀我牆屋令我不得趨農

田卒為汙萊乎此皇父所築邑人之怨辭曰予不戕禮則然矣箋云戕殘也

自知不是反云我不殘敗女田業禮下其上役其道當然言文過也

皇父孔聖作都于向擇三有事直侯多藏傳皇父甚自謂

聖向邑也擇三有事有司國之三卿信維貪淫多藏之

人也箋云專權足己自比聖人作都立三卿皆取聚斂之臣言不知厭也禮畿內諸侯二卿不慙

遺一老俾守我王箋云慙者心不欲自強之辭也言盡將舊在位之人與之皆去無留衛王

擇有車馬以居祖向箋云又擇民之富有車馬者以往居于向也

黽勉從事不敢告勞箋云詩人賢者見時如是自勉以從王事雖勞不敢自謂勞畏刑罰也

無罪無辜讒口囂囂箋云囂囂眾多貌時人非有辜下罪其被讒口見椽譖囂囂然

民之孽匪降自天噂沓背憎職競由人傳噂猶噂沓

猶沓沓職主也箋云孽妖孽謂相為災害也下民有此言非從天墮也噂沓沓相對談語背

則相憎逐為此者主由人也

悠悠我里亦孔之痲傳悠悠憂也里病也痲病也箋云里居也悠

悠乎我居今之世亦甚困病四方有羨我獨居憂傳羨餘也箋云四方之人

盡有饒餘我民莫不逸我獨不敢休箋云逸天天命不徹

我不敢傲我友自逸傳徹道也親屬之臣心不能已箋云

不道者言王不循天之政教

十月八章章八句

雨無正大夫刺幽王也雨自上下者也眾多如雨而非

所以為政也亦當為刺厲王王之所下教令甚多而無正也

浩浩昊天不駿其德降喪饑饉斬伐四國傳駿長也穀不

熟曰饑蔬不熟曰饉箋云此言王不能繼長昊天德至使昊天天下此死喪饑饉之災而

天下諸侯於旻天疾威弗慮弗圖箋云慮圖皆謀也土是更相侵伐旻天疾威弗慮弗圖箋云慮圖皆謀也土既不駿昊天德今

昊天又疾其政以刑罰威恐天下而不慮不圖舍彼有罪既伏其辜若此無罪

淪胥以鋪傳舍除淪率也箋云胥相鋪徧也言王使此無罪者見率率相引而徧得

也罪

周宗既滅靡所止戾傳戾定也箋云周宗鎬京也是時諸侯不朝王民不堪命王流

于無所安定也正大夫離居莫知我勩傳勩勞也箋云正長也長官之

大夫於王流于無所皆散處無復知我民之見罷勞也三事大夫莫肯夙夜邦君

諸侯莫肯朝夕箋云王流在外三公及諸侯隨王而行者皆無君臣之禮不肯晨夜朝暮省王

也庶曰式臧覆出為惡傳覆反也箋云人見王之失所庶幾其自改悔而用

善人反出教令復為惡也

如何昊天辟言不信如彼行邁則靡所臻傳辟法也箋云

乎昊天痛而愬之也為陳法度之言不信凡百君子各

敬爾身胡不相畏不畏于天箋云凡百君子謂眾在位

之禮何為上下不相畏乎

戎成不退飢成不遂曾我誓御憺憺日瘁傳戎兵遂安也

誓御侍御也瘁病也箋云兵成而不退謂王見流于彘

彘乏於飲食之蓄無輸粟歸餼者此二者曾凡百君子

莫肯用訊聽言則荅譖言則退傳以言進退人也箋云

也眾在位者無肯用此相告語言不憂王之憂王之事也荅猶

則其為排退之羣臣

哀哉不能言匪舌是出維躬是瘁傳哀賢人不得言不得

出是舌也箋云瘁病也不能言言之拙也苟矣能言巧

言如流俾躬處休傳苟可也可矣世所謂能言也巧言

從俗如水轉流箋云巧猶善也謂以事類風切剗微之

居安休休然亂世

維曰于仕孔棘且殆云不可使得罪于天子亦云可使怨

及朋友傳于往也箋云棘急也不可使者不正不從也

云往仕乎甚急進且危

謂爾遷于王都曰予未有室家賢者不肯遷于王都也

箋云王流于彘正大夫離居同姓之臣從王思其友而呼之謂曰女今可遷居王都謂彘也其友辭之云我未

有室家於王鼠思泣血無言不疾傳無聲曰泣血無所

言而不見疾也恨又患不能距止之故云我憂思泣血

欲遷王都見女今我無一言而不能也昔爾出居誰從作爾

室傳遭亂世義不得去思其友而不肯反者也箋云往

之時誰隨為女作室女猶自作之爾今反以無室家距我恨之辭

雨無正七章二章章十句二章章八句三章章六句

小旻大夫刺幽王也所刺列於十月之交雨無正為

旻天疾威敷于下土傳敷布也刑罰威恐萬民其政教乃

布於下土言謀猶回遹何日斯沮傳回邪遹辟沮壞也

箋云猶道沮止也今王謀為政之道回辟不循謀臧不

從不臧覆用我視謀猶亦孔之邛傳邛病也箋云臧善

者不從其不善者反用之我視王謀為政之道亦甚病天下

滄滄訛訛亦孔之哀傳滄滄然患其上訛訛然思不稱其

上箋云臣不事君亂謀之其臧則具是違謀之不臧則

具是依我視謀猶伊于胡底箋云于往底至也謀之善

就之我視今君臣之謀道在行之將何所至乎言必至于亂

我龜既厭不我告猶傳

傳猶道也

箋云猶圖也卜筮數而瀆龜龜靈厭之不復告其所

圖之吉凶言雖得兆占繇不中

謀夫孔多是用不集傳

傳集就也

箋云謀事者眾

而非賢者是非相奪莫適可從故所為不成

發言盈庭誰敢執其咎傳

傳謀人

之國國危則死之古之道也

箋云謀事者眾訥訥滿庭而無敢決當是非事若不

成誰云己當其咎責者言小人爭知而讓過

如匪行邁謀是用不得于道傳

箋云

匪非也君臣之謀事如此與不行而坐圖遠近是於道路無進於跬步何以異乎

哀哉為猶匪先民是程匪大猶是經維邇言是聽維邇言

是爭傳

古曰在昔昔曰先民程法經常猶道邇近也爭

為近言

箋云哀哉今之君臣謀事不用古人之法不循大道之常而徒聽順近言之同者爭近言之異

者言見動輒則泥陷不至於遠也

如彼築室于道謀是用不潰于成傳

潰遂也

箋云如當路築室得人而與之謀所為路人之意不同故不得遂成也

國雖靡止或聖或否民雖靡臚或哲或謀或肅或艾傳

靡止言小也人有通聖者有不能者亦有明哲者有聰謀

者艾治也有恭肅者有治理者

箋云靡無止禮臚法也言天下諸侯今雖無禮

其心性猶有通聖者有賢者民雖無法其心性猶有知者有謀者有肅者有艾者王何不擇焉置之於位而任

之為治乎書曰睿作聖明作哲聰作謀恭作肅從如彼作又詩人之意欲王敬用五事以明天道故云然

泉流無淪胥以敗

箋云淪率也王之為政當如原泉之流行則清無相牽率為惡以自濁敗

不敢暴虎不敢馮河人知其一莫知其他傳馮陵也徒涉

曰馮河徒搏曰暴虎一非也他不敬小人之危殆也箋云

人皆知暴虎馮河立至之害而無知當畏慎小人能危亡也戰戰兢兢傳戰戰恐也

兢兢戒也如臨深淵傳恐隊也如履薄冰傳恐陷也

小旻六章三章章八句三章章七句

小宛大夫刺幽王也亦當為刺厲王

宛彼鳴鳩翰飛戾天傳興也宛小貌鳴鳩鶉鶉翰高戾至

也行小人之道責高明之功終不可得我心憂傷念昔

先人傳先人文武也明發不寐有懷二人傳明發發夕

至明

人之齊聖飲酒溫克傳齊正克勝也箋云中正通知之人飲酒雖醉猶能溫藉

以勝彼昏不知壹醉日富傳醉而日富矣箋云童昏無

一醉自謂日益富夸淫自恣以財驕人各敬爾儀天命不又傳又復也箋云

今女君臣各敬慎威儀天命所去不復來也

中原有菽庶民采之傳中原原中也菽藿也力采者則得

之箋云藿生原中非有主也以喻王螟蛉有子螺贏負

之傳螟蛉桑蟲也螺贏蒲盧也負持也箋云蒲盧取桑

去煦嫗養之以成其子喻有萬教誨爾子式穀似之箋云

民不能治則能治者將得之式用穀善也今有教誨女之萬民用善道者亦似蒲盧言將得而子也

題彼脊令載飛載鳴傳題視也脊令不能自舍君子有取

節爾箋云則飛則鳴翼也口也不有止息我日斯邁而月

斯征箋云我王也邁征皆行也王日此行謂日視朝

臣議政事日有所決月有所行亦無時止息夙興夜寐毋忝爾所生傳忝辱

也

交交桑扈率場啄粟傳交交小貌桑扈竊脂也言上為亂

政而求下之治終不可得也箋云竊脂肉食今無肉而循場啄粟失其天性不能

以自哀我填寡宜岸宜獄握粟出卜自何能穀傳填盡

岸訟也箋云仍得日宜自從穀生也可哀哉我窮盡寡財之人仍有獄訟之事無可以自救但持粟行

卜求其勝負從何能得生

溫溫恭人傳溫溫和柔貌如集于木傳恐隊也惴惴小心

如臨于谷傳恐隕也戰戰兢兢如履薄冰箋云衰亂之世賢人君子

雖無罪猶恐懼

小宛六章章六句

小弁刺幽王也大子之傳作焉

弁彼鷙斯歸飛提提傳興也弁樂也鷙卑居卑居雅鳥也

提提羣貌箋云樂乎彼雅鳥出食在野甚飽羣飛而歸提提然興者喻凡人之父子兄弟出入宮庭

相與飲食亦提提然民莫不穀我獨于罹傳幽王取申

女生大子宜咎又說襄姒生子伯服立以為后而放宜
咎將殺之箋云穀養于曰罹憂也天下之人無不何辜
于天我罪伊何**傳**舜之怨慕日號泣于旻天于父母心
之憂矣云如之何

踧踖周道鞠為茂草**傳**踧踖平易也周道周室之通道鞠
窮也箋云此喻幽王信褒姒之讒亂其德政使不通於四方我心憂傷惄焉如擣

假寐永歎維憂用老心之憂矣疾如疾首**傳**惄思也擣
心疾也箋云不脫冠衣而寐曰假寐疾猶病也

維桑與梓必恭敬止**傳**父之所樹己尚不敢不恭敬靡瞻

匪父靡依匪母不屬于毛不罹于裏**傳**毛在外陽以言

父裏在內陰以言母箋云此言人無不瞻仰其父取法則者無不依恃其母以長大者今天之生我我辰安在**傳**

辰時也箋云此言我生所值之辰安所在乎謂六物之吉凶

宛彼柳斯鳴蜩嘒嘒有漙者淵萑葦淠淠**傳**蜩蟬也嘒嘒

聲也漙深貌淠淠眾也箋云柳木茂盛則多蟬淵深而旁生萑葦言大者之旁無所不

容譬彼舟流不知所屆箋云屆至也言今大子不為王及后所容而見放逐狀如舟之流行無制之者不知終所至也心之憂矣不遑假寐箋云遑暇也

鹿斯之奔維足伎伎雉之朝雊尚求其雌**傳**伎伎舒貌謂

鹿之奔走其足伎伎然舒也

箋云雉鳴也尚猶也鹿之奔走其勢宜疾而足伎

伎然舒畱其羣也雉之鳴猶知求其雌今大子之放棄其妃匹不得與之去又鳥獸之不如

譬彼壞

木疾用無枝傳壞癩也謂傷病也

箋云大子放逐而不

木內有疾故無枝也**心之憂矣寧莫之知**箋云寧猶會也

相彼投兔尙或先之行有死人尙或瑾之傳瑾路冢也

箋云

相視投掩行道也視彼人將掩兔尙有先毆走之者道中有死人尙有覆掩之成其瑾者言此所不知其心不

忍**君子秉心維其忍之**箋云君子斥幽王也秉執也**心**

之憂矣涕既隕之傳隕隊也

君子信讒如或疇之箋云疇旅疇也如疇**君子不惠不舒**

究之

箋云惠愛究謀也王不愛大子故聞讒言則放之不舒謀也

伐木掎矣析薪地

矣傳伐木者掎其顛析薪者隨其理

箋云掎其顛者不欲妄蹈之地謂觀

其理也必隨其理者不欲妄挫折之以言今王之遇大子不如伐木析薪也

舍彼有罪予之

佗矣傳佗加也

箋云予我也舍褒姒讒言之罪而妄加我大子

莫高匪山莫浚匪泉傳浚深也

箋云山高矣人登其巔泉深矣人入其淵以言人無

所不至雖逃辟之猶有默存者焉

君子無易由言耳屬于垣

箋云由用

用讒人之言人將有屬耳於壁而聽之者知王有所受之知王心不正也

無逝我梁無發我

笱箋云逝之也之人梁發人笱此必有盜魚之罪**我躬**

不閱遑恤我後傳念父孝也高子曰小弁小人之詩也

孟子曰何以言之曰怨乎孟子曰固哉夫高叟之爲詩
也有越人於此關弓而射我我則談笑而道之無他疏
之也兄弟關弓而射我我則垂涕泣而道之無他戚之
也然則小弁之怨親親也親親仁也固哉夫高叟之爲
詩曰凱風何以不怨曰凱風親之過小者也小弁親之
過大者也親之過大而不怨是愈疏也親之過小而怨
是不可磯也愈疏不孝也不可磯亦不孝也孔子曰舜
其至孝矣五十而慕箋云念父孝也大子念王將受讒
言不止我死之後懼復有被讒者
亦無如之何故自決云我身尚不
能自容何暇乃憂我死之後也

小弁八章章八句

巧言刺幽王也大夫傷於讒故作是詩也

悠悠昊天曰父母且無罪無辜亂如此憮傳憮大也箋云悠悠

思也憮敖也我憂思乎昊天愬王也始者言其且爲民
之父母今乃刑殺無罪無辜之人爲亂如此甚敖慢無

法度昊天已威予慎無罪昊天大憮予慎無辜傳威畏

慎誠也箋云已泰皆言甚也昊天乎王甚
可畏王甚敖慢我誠無罪而罪我

亂之初生僭始既涵傳僭數涵容也箋云僭不信也既盡
涵同也王之初生亂

萌羣臣之不信與
信盡同之不別也亂之又生君子信讒箋云君子斥
在位者也在

位者信讒人之言
是復亂之所生君子如怒亂庶遄沮傳遄疾沮止也

也此人主為亂作階言亂由之來也既微且傳鼫爾勇伊何傳鼫瘍為微腫

足為傳爓箋云此人居下溼之地故生微爓之疾為猶將

多爾居徒幾何箋云猶謀將大也女作讒佞之謀大

巧言六章章八句

何人斯蘇公刺暴公也暴公為卿士而譖蘇公焉故蘇

公作是詩以絕之暴也蘇也皆畿內國名

彼何人斯其心孔艱胡逝我梁不入我門箋云孔甚艱難

也在蘇國之門外彼何人乎謂與暴公俱見于王者也其持心甚難知言其性堅固似不妄也暴公譖己之時

女與之乎今過我國何故近之我梁而不入見我伊誰乎疑其與之而未察斥其姓名為大切故言何人伊誰

云從維暴之云傳云言也箋云譖我者是言從誰生乎乃暴公之所言也由己情而

本之以解何人意

二人從行誰為此禍胡逝我梁不入唁我箋云二人者謂

女相隨而行見王誰作我是禍乎時蘇公以得譴讓也女即不為何故近之我梁而不入弔唁我乎始者

不如今云不我可箋云女始者於我甚厚不如今日也今日云我所行有何不可者乎何更

於己薄也

彼何人斯胡逝我陳我聞其聲不見其身傳陳堂塗也箋云

堂塗者公館之堂塗也女即不為何故近之我不愧于館庭使我得聞女之音聲不得覩女之身乎

人不畏于天箋云女今不入唁我何所愧畏乎皆疑之未察之辭

彼何人斯其為飄風胡不自北胡不自南胡逝我梁祇攬

我心傳飄風暴起之風攬亂也箋云祇適也何人乎女行來而去疾如飄風不

欲入見我何不乃從我國之南不則乃從我國之北何近之我梁適亂我之心使我疑女

爾之安行亦不遑舍爾之亟行遑脂爾車壹者之來云何

其吁箋云遑暇亟疾吁病也女可安行乎則何不暇舍息乎女當疾行乎則又何暇脂女車乎極其情求

其意終不得一者之來見我於女亦何病乎

爾還而入我心易也還而不入否難知也壹者之來俾我

祇也傳易說祇病也箋云還行反也否不通也祇安也女行反入見我我則解說也反又

不入見我則我與女情不通女與於諧我與否復難知也一者之來見我我則知之是使我心安也

伯氏吹壘仲氏吹箎傳土曰壘竹曰箎箋云伯仲喻兄弟

弟其相應和如壘箎以及爾如貫諒不我知出此三物言俱為王臣宜相親愛

以詛爾斯傳三物豕犬雞也民不相信則盟詛之君以

豕臣以犬民以雞箋云及與諒信也我與女俱為王臣其相比次如物之在繩索之貫也今

女心誠信而我不知且其出此三物以詛女之此事為其情之難知己又不欲長怨故設之以此言

為鬼為蜮則不可得有覩面目視人罔極傳蜮短狐也覩

姤也箋云使女為鬼為蜮也則女誠不可得見也姤然有面目女乃人也人相視無有極時終必與女相

見作此好歌以極反側傳反側不正直也箋云好猶善也反側輾轉

也作八章之歌求女之情女之情反側極於是也

何人斯八章章六句

巷伯刺幽王也寺人傷於讒故作是詩也巷伯奄官寺人內小臣也

奄官上士四人掌王后之命於宮中為近故謂之巷伯與寺人之官相近讒人譖寺人寺人又傷其將及巷伯

故以名篇

萋兮斐兮成是貝錦傳興也萋斐文章相錯也貝錦錦文

也箋云錦文者文如餘泉餘蠍之貝文也興者喻讒人集作己過以成於罪猶女工之集采色以成錦文

彼譖人者亦已大甚箋云大甚者謂使己得重罪也

哆兮侈兮成是南箕傳哆大貌南箕箕星也侈之言是必

有因也斯人自謂辟嫌之不審也昔者顏叔子獨處于

室鄰之釐婦又獨處于室夜暴風雨至而室壞婦人趨

而至顏叔子納之而使執燭放乎旦而蒸盡縮屋而繼

之自以為辟嫌之不審矣若其審者宜若魯人然魯人

有男子獨處于室鄰之釐婦又獨處于室夜暴風雨至

而室壞婦人趨而託之男子閉戶而不納婦人自牖與

之言曰子何為不納我乎男子曰吾聞之也男子不六

十不閒居今子幼吾亦幼不可以納子婦人曰子何不

若桺下惠然姬不逮門之女國人不稱其亂男子曰桺

下惠固可吾固不可吾將以吾不可學桺下惠之可孔

子曰欲學柳下惠者未有似於是也箋云箕星哆然踵

之因寺人之近嫌而成言其彼譖人者誰適與謀箋云

罪猶因箕星之哆而侈大之

緝緝翩翩謀欲譖人傳緝緝口舌聲翩翩往來貌慎爾言

也謂爾不信箋云慎誠也女誠心而後言王將謂女

捷捷幡幡謀欲譖言傳捷捷猶緝緝也幡幡猶翩翩也豈

不爾受既其女遷傳遷去也箋云遷之言訕也王倉卒

將復訕

驕人好好勞人草草傳好好喜也草草勞心也箋云好好

人之也草草者蒼天蒼天視彼驕人矜此勞人

彼譖人者誰適與謀取彼譖人投畀豺虎傳投棄也豺虎

不食投畀有北傳北方寒涼而不毛有北不受投畀有

昊傳昊昊天也箋云付與昊

楊園之道猗于畝傳楊園園名猗加也畝丘丘名箋云

百君子敬而聽之傳寺人而曰孟子者罪已定矣而將

踐刑作此詩也箋云寺人王之正內五人作起也孟子

既言寺人復自著孟子

者自傷將去此官也

巷伯七章四章章四句一章五句一章八句一章六句

節南山之什十篇七十九章五百五十二句

谷風之什故訓傳第二十

毛詩小雅

鄭氏箋

谷風刺幽王也天下俗薄朋友道絕焉

習習谷風維風及雨傳

興也風雨相感朋友相須

箋云習習和調

之貌東風謂之谷風興者風而有雨則潤澤行喻朋友同志則恩愛成

將恐將懼維予與

女

箋云將且也恐懼喻遭厄難勤苦之事也當此之時獨我與女爾謂同其憂務

將安將樂女

轉棄予傳

言朋友趨利窮達相棄

箋云朋友無大故則不相遺棄今女以志

達而安樂棄恩忘舊薄之甚

習習谷風維風及頹傳

頹風之焚輪者也風薄相扶而上

喻朋友相須而成將恐將懼寘予于懷箋云寘置也置我於懷言至親也己將安將樂棄予如遺箋云如遺者如人行道遺忘物忽然不省存也

習習谷風維山崔嵬無草不死無木不萎傳崔嵬山巔也

雖盛夏萬物茂壯草木無有不死葉萎枝者箋云此言東風生長

之風也山巔之上草木猶及之然而盛夏養萬物之時草木枝葉猶有萎槁者以喻朋友雖以恩相養亦安能

不時有忘我大德思我小怨箋云大德切磋以小訟乎道相成之謂也

谷風三章章六句

蓼莪刺幽王也民人勞苦孝子不得終養爾不得終養者二親病

亡之時時在役所不得見也

蓼蓼者莪匪莪伊蒿傳興也蓼蓼長大貌箋云莪已蓼蓼長大我視之以

為非莪反謂之蒿興者喻憂思雖在役中心不精識其事哀哀父母生我劬勞箋云

者恨不得終養父母報其生長己之苦

蓼蓼者莪匪莪伊蔚傳蔚牡蒿也哀哀父母生我勞瘁箋

也瘁病

餅之罄矣維罍之恥傳餅小而罍大罄盡也箋云餅小而盡罍大而盈

言為罍恥者刺王不使富分貧眾恤寡鮮民之生不如死之久矣傳鮮寡

也箋云此言供養日寡矣而無父何怙無母何恃出則我尚不得終養恨之言也

銜恤入則靡至箋云恤憂靡無也孝子之心怙恃父母依依然以為不可斯須無也出門則思

之而憂旋入門又
不見如入無所至

父兮生我母兮鞠我拊我畜我長我育我顧我復我出入

腹我傳鞠養腹厚也箋云父兮生我者本其氣也畜起也育覆育也顧旋視也復反覆也

腹懷也欲報之德昊天罔極箋云之猶是也我欲報父母是德昊天乎我心無極

南山烈烈飄風發發**傳**烈烈然至難也發發疾貌箋云民人自苦

見役視南山則烈烈然民莫不穀我獨何害箋云穀養也言民皆

得養其父母我獨何故覩此寒苦之害

南山律律飄風弗弗**傳**律律猶烈烈也弗弗猶發發也民

莫不穀我獨不卒箋云卒終也我獨不得終養父母重自哀傷也

蓼莪六章四章章四句二章章八句

大東刺亂也東國困於役而傷於財譚大夫作是詩以

告病焉譚國在東故其大夫尤苦征役之事也魯莊公十年齊師滅譚

有饒簋飧有捋棘**傳**興也饒滿簋貌飧熟食謂黍稷也

捋長貌匕所以載鼎實棘赤心也箋云飧者客始至主人所致之禮也凡飧

饗餼以其爵等為之牢禮之數陳興者喻古者天子施予之恩於天下厚周道如砥其直如

矢**傳**如砥貢賦平均也如矢賞罰不偏也君子所履小

人所視箋云此言古者天子之恩厚也君子皆法效而履行之其如砥矢之平小人又皆視之其之無

怨睠言顧之潛焉出涕**傳**睠反顧也潛涕下貌箋云言我也此

二事者在乎前世過而去矣我從今顧視之爲之出涕傷今不如古

小東大東杼柚其空傳空盡也箋云小也大也謂賦斂之

東言其政偏失砥矢之道也譚無他貨維絲麻爾今盡杼柚不作也糾糾葛屨可以履霜

佻佻公子行彼周行傳佻佻獨行貌公子譚公子也箋云

葛屨夏履也周行周之列位也言時財貨盡雖公子衣履不能順時乃夏之葛屨今以履霜送轉餽因見使行

周之列位者而發幣焉言雖困乏猶不得止既往既來使我心疚箋云既盡疚病也言

譚人自虛竭餽送而往周人則空盡受之曾無反幣復禮之惠是使我心傷病也

有冽沈泉無浸穫薪契契寤歎哀我憚人傳冽寒意也側

出曰沈泉穫艾也契契憂苦也憚勞也箋云穫落木名也既伐而析之

以為薪不欲使沈泉浸之浸之則將溼腐不中用也今譚大夫契契憂苦而寤歎哀其民人之勞苦者亦不欲

使周之賦斂小東大東極盡之極盡之則將困病亦猶是也薪是穫薪尙可載也哀

我憚人亦可息也傳載載乎意也箋云薪是穫薪者析

庶幾析是穫薪可載而歸蓄之以為家用哀我勞人亦可休息養之以待國事

東人之子職勞不來西人之子粲粲衣服傳東人譚人也

來勤也西人京師人也粲粲鮮盛貌箋云職主也東人勞苦而不見謂勤

京師人衣服鮮絜而逸豫言王政偏甚也自此章以下言周道衰其不言政偏則言眾官廢職如是而已舟

人之子熊羆是裘傳舟人舟楫之人熊羆是裘言富也

箋云舟當作周裘當作求聲相近故也周人之子謂周世臣之子孫退在賤官使搏熊羆在冥氏穴氏之職

私人之子百僚是試傳私人私家人也是試用於百官

也箋云此言周衰羣小得志

或以其酒不以其漿傳或醉於酒或不得漿韜韜佩璫不

以其長傳韜韜玉貌璫瑞也箋云佩璫者以瑞玉為佩

其才之所長也徒美其素餐維天有漢監亦有光傳漢天河

佩而無其德刺其素餐也有光而無所明箋云監視也喻王閭置跂彼織女終

日七襄傳跂隅貌襄反也箋云襄駕也駕謂更其肆也

之七襄

雖則七襄不成報章傳不能反報成章也箋云織女有織

無東不如人織反報成章睆彼牽牛不以服箱傳睆明星貌何鼓

謂之牽牛服牝服也箱大車之箱也箋云以用於牽牛

箱東有啓明西有長庚傳日旦出謂明星為啓明日既

入謂明星為長庚庚續也箋云啓明長庚皆有助有球

天畢載施之行傳球畢貌畢所以掩兔也何嘗見其可

用乎箋云祭器有畢者所以助載鼎

維南有箕不可以簸揚維北有斗不可以挹酒漿傳挹斟

也維南有箕載翕其舌維北有斗西柄之揭傳翕合也

箋云翕猶引也引舌者謂上星相近

大東七章章八句

四月大夫刺幽王也在位貪殘下國構禍怨亂並興焉

四月維夏六月徂暑傳徂往也六月火星中暑盛而往矣

箋云徂猶始也四月立夏矣至六月乃先先祖匪人胡寧

忍予箋云匪非也寧猶會也我先祖非人乎人則當知患難何為曾使我當此亂世乎

秋日淒淒百卉具腓傳淒淒涼風也卉草也腓病也箋云具猶

皆也涼風用事而眾草皆病亂離瘼矣爰其適歸傳離

憂瘼病適之也箋云爰曰也今政亂國將有憂病者矣曰此禍其所之歸乎言憂病之禍必自

之歸為亂

冬日烈烈飄風發發箋云烈烈猶栗冽也發發疾貌言王為酷虐慘毒之政如冬日之烈烈矣

其亟急行於天下民莫不穀我獨何害箋云穀養也民莫不得養其父

母者我獨何故觀此寒苦之害

山有嘉卉侯栗侯梅箋云嘉善侯維也山有美善之草生於梅栗之下人取其實蹂踐而害之

令不得蕃茂喻上多賦斂富人財盡而弱民與受困窮廢為殘賊莫知其尤傳廢

伏也箋云尤過也言在位者貪殘為民之害無自知其行之過者言伏於惡

相彼泉水載清載濁箋云相視也我視彼泉水之流一則清一則濁刺諸侯並為惡會無一善

我日構禍曷云能穀傳構成曷逮也箋云構猶合集也曷之言何也穀善

也言諸侯日作禍亂之行何者可謂能善

滔滔江漢南國之紀傳滔滔大水貌其神足以綱紀一方

箋云江也漢也南國之大水紀理眾川使不壅滯喻吳楚之君能長理旁側小國使得其所盡瘁以

仕寧莫我有箋云瘁病仕事也今王盡病其封畿之內者皆懼於危亡也吳楚舊名

貪殘今周之政乃反不如

匪鷁匪鳶翰飛戾天匪鱣匪鮪潛逃于淵傳鷁鷁也鷁鳶

貪殘之鳥也大魚能逃處淵箋云翰高戾至鱣鮪也言鵬鳶之高飛鱣鮪之處淵

性自然也非鷁鳶能高飛非鱣鮪能處淵皆驚駭辟害爾喻民性安土重遷今而逃走亦畏亂政故

山有蕨薇隰有杞桋傳杞枸櫞也桋赤棟也箋云此言草

所人反不得其所傷之也君子作歌維以告哀箋云告哀言勞病而愬之

四月八章章四句

北山大夫刺幽王也役使不均己勞於從事而不得養

其父母焉

陟彼北山言采其杞箋云言我也登山而采杞非可食之物喻己行役不得其事偕偕

士子朝夕從事傳偕偕彊壯貌士子有王事者也箋云朝夕

從事言不得休止王事靡盬憂我父母箋云靡無也盬不堅固也王事無不堅固故我

當盡力勤勞於役久不得歸父母思己而憂

溥天之下莫非王土率土之濱莫非王臣傳溥大率循濱

匡也箋云此言王之土地廣矣王之臣又眾矣何求而不得何使而不行大夫不均我從

事獨賢傳賢勞也箋云王不均大夫之使而專以我有賢才之故獨使我從事於役自苦之辭

四牡彭彭王事傍傍傳彭彭然不得息傍傍然不得已嘉

我未老鮮我方將傳將壯也箋云嘉鮮皆善也王善我

獨久使我也旅力方剛經營四方傳旅眾也箋云王謂此事眾之氣力方盛

乎何乃勞苦使之經營四方

或燕燕居息傳燕燕安息貌或盡瘁事國傳盡力勞病以

從國事或息偃在牀或不已于行猶不止也

或不知叫號或慘慘劬勞傳叫呼號召也或棲遲偃仰或

王事鞅掌傳鞅掌失容也箋云鞅猶何也掌謂捧之也負何捧持以趨走言促遽也

或湛樂飲酒或慘慘畏咎箋云咎猶罪過也或出入風議或靡事

不為箋云風猶放也

北山六章三章章六句三章章四句

無將大車大夫悔將小人也周大夫悔將小人幽王之從時小人眾多賢者與之從

事反見諧害自悔與小人並

無將大車祗自塵兮傳大車小人之所將也箋云將猶扶進也祗適也

鄙事者賤者之所為也君子為之不堪其勞無思百憂

祗自底兮傳底病也箋云百憂者眾小事之憂也進舉小人使得居位不任其職愆負及

己故以眾小事為憂適自病也

無將大車維塵冥冥也箋云冥冥者蔽人目明令無所見也猶進舉小人蔽傷己之功德也無

思百憂不出于頰傳頰光也箋云思眾小事以為憂使人蔽闇不得出於光明之道

道

無將大車維塵雍兮箋云雍猶蔽也無思百憂祇自重兮箋云重猶累也

無將大車三章章四句

小明大夫悔仕于亂世也名篇曰小明者言幽王日小其明損其政事以至於亂

明明上天照臨下土箋云明明上天喻王者當光明如日之中也照臨下土喻王者當察理天

下之事也據時幽王不能然故舉以刺之我征徂西至于芄野二月初吉載

離寒暑傳芄野遠荒之地初吉朔日也箋云征行徂往也我行往之西

方至於遠荒之地乃以二月朔日始行至今則更夏暑冬寒矣尙未得歸詩人牧伯之大夫使述其方之事遭

亂世勞苦而悔仕心之憂矣其毒大苦箋云憂之甚心也念彼其

人涕零如雨箋云其人靖共爾君位以待賢者之君豈不懷歸畏此罪罟傳

罟網也箋云懷思也我誠思歸畏此刑罪羅網我故不敢歸爾

昔我往矣日月方除曷云其還歲聿云莫傳除除陳生新

也箋云四月為除昔我往至於芄野以四月自謂其時將即歸何言其還乃至歲晚尙不得歸念我

獨兮我事孔庶心之憂矣憚我不暇傳憚勞也箋云孔甚庶眾

也我事獨甚眾勞我不暇皆言王政不均臣事不同也念彼其人睠睠懷顧箋云

有往仕之志也 豈不懷歸畏此譴怒

昔我往矣日月方奧傳奧煖也曷云其還政事愈蹙歲聿

云莫采蕭穫菽傳蹙促也箋云愈猶益也何言其還乃

至采蕭穫菽傳尚不得歸 心之憂矣自詒伊戚傳戚憂也箋云詒遺

世而仕自遺此 念彼其人興言出宿箋云興起也夜臥

宿於內也 豈不懷歸畏此反覆箋云反覆謂不

嗟爾君子無恒安處箋云恒常也嗟女君子謂其友未仕

而能遷孔子靖其爾位正直是與神之聽之式穀以女

傳靖謀也正直為正能正人之曲曰直箋云其具式用

謀具女之爵位其志在於與正直之人為治神明若祐而聽之其用善人則必用女是使聽天任命不汲汲求仕之辭言女位者位無常主賢人則是

嗟爾君子無恒安息傳息猶處也靖其爾位好是正直神

之聽之介爾景福傳介景皆大也箋云好猶與也介助

女以大福謂遭是明君道施行也

小明五章三章章十二句二章章六句

鼓鐘刺幽王也

鼓鐘將將淮水湯湯憂心且傷傳幽王用樂不與德比會

諸侯于淮上鼓其淫樂以示諸侯賢者為之憂傷箋云為之

憂傷者嘉樂不野合犧象不出門今乃
於淮水之上作先王之樂失禮尤甚
淑人君子懷允

不忘箋云淑善懷至也古者善人君子其用禮樂各得其宜至信不可忘

鼓鐘喈喈淮水潏潏憂心且悲傳喈喈猶將將潏潏猶湯

湯悲猶傷也淑人君子其德不回傳回邪也

鼓鐘伐馨淮有三洲憂心且妯傳馨大鼓也三洲淮上地

妯動也箋云妯之言悼也淑人君子其德不猶傳猶若也箋云猶當

作瘡瘡病也

鼓鐘欽欽鼓瑟鼓琴笙磬同音傳欽欽言使人樂進也笙

磬東方之樂也同音四縣皆同也箋云同音者謂堂上堂下八音克諧以

雅以南以籥不僭傳為雅為南也舞四夷之樂大德廣

所及也東夷之樂曰韎南夷之樂曰南西夷之樂曰朱

離北夷之樂曰禁以為籥舞若是為和而不僭矣箋云雅萬

舞也萬也南也籥也三舞不僭言進退之旅也周樂尚武故謂萬舞為雅雅正也籥舞文樂也

鼓鐘四章章五句

楚茨刺幽王也政煩賦重田萊多荒饑饉降喪民卒流

亡祭祀不饗故君子思古焉田萊多荒茨棘不除也饑饉倉庾不盈也降喪神不

與福助也

楚楚者茨言抽其棘自昔何為我蓺黍稷傳楚楚茨棘貌

抽除也箋云茨蒺藜也伐除蒺藜與棘自古之人何乃勤苦爲此事乎我將樹黍稷焉言古者先王之政以農爲本茨言楚楚棘言抽互辭也我黍與與我稷翼翼我倉既盈我

庾維億傳露積曰庾萬萬曰億箋云黍與與稷翼翼蕃廡貌陰陽和風雨時則

萬物成萬物成則倉庾充滿矣倉言以爲酒食以享以盈庾言億亦互辭喻多也十萬曰億

祀以妥以侑以介景福傳安安坐也侑勸也箋云享獻介助景大

也以黍稷爲酒食獻之以祀先祖既又迎尸使處神坐而食之爲其嫌不飽祝以主人之辭勸之所以助孝子

受大福也

濟濟蹠蹠絜爾牛羊以往烝嘗或剝或亨或肆或將傳濟

濟蹠蹠言有容也亨飪之也肆陳將齊也或陳于牙或

齊其肉箋云有容言威儀敬慎也冬祭曰烝秋祭曰嘗祭祀之禮各有其事有解剝其皮者有煮熟之

者或奉持而進之者祝祭于祊祀事孔明傳祊門內也

箋云孔甚也明猶備也絜也孝子不知神之所在故使祝博求之平生門內之旁待賓客之處祀禮於是甚明

先祖是皇神保是饗傳皇天保安也箋云皇唯也先祖以孝子祀禮甚明

之故精氣歸唯之其鬼神又安而饗其祭祀孝孫有慶報以介福萬壽無疆

箋云慶賜也疆竟界也

執爨蹠蹠爲俎孔碩或燔或炙傳爨饗爨廩爨也蹠蹠言

爨竈有容也燔取腓脛炙炙肉也箋云燔燔肉也炙肝炙也皆從獻之俎也

其爲之於爨必取肉也肝也肥碩美者君婦莫莫爲豆孔庶爲賓爲客傳

莫莫言清靜而敬至也豆謂內羞庶羞也釋而賓尸及

賓客箋云君婦謂后也凡適妻稱君婦事舅姑之稱也庶彫也祭祀之禮后夫人主其籩豆必取肉物肥

彫美也獻醕交錯禮儀卒度笑語卒獲傳東西為交邪行

為錯度法度也獲得時也箋云始主人酌賓為獻賓既

醕至旅而爵交錯以徧神保是格報以介福萬壽攸酢

卒盡也古者於旅也語**傳**格來酢報也

我孔熯矣式禮莫愆工祝致告祖賚孝孫傳熯敬也善其

事曰工賚予也箋云我我孝孫也式法莫無愆過徂往

故致神意告主人使受嘏也孝孫甚敬矣於禮法無過者祝以此既而以嘏之物往予主人苾芬孝祀神嗜飲食卜爾百

福如幾如式傳幾期式法也箋云卜予也苾苾芬芬有

也神乃歆嗜女之飲食今予女之百福其來既有齊稷

既匡既敕永錫爾極時萬時億傳稷疾敕固也箋云齊

稷之言即也永長極中也嘏之禮祝徧取黍稷牢肉魚

擣於醕以授尸孝孫前就尸受之天子使宰夫受之以

匡祝則釋嘏辭以敕之又曰長賜女

以中和之福是萬是億言多無數

禮儀既備鐘鼓既戒孝孫徂位工祝致告傳致告告利成

也箋云鐘鼓既戒戒諸在廟中者以祭禮畢孝孫徂位

神具醉止皇尸載起鼓鐘送尸神保聿歸傳皇大也箋

歸於諸宰君婦廢徹不遲箋云廢去也尸出而可徹諸天也諸宰君婦廢徹不遲宰徹去諸饌君婦籩豆而已不遲以疾為敬也諸父兄弟備言燕私傳燕而盡其私恩箋云畢歸賓客之俎同姓則留與之燕所以尊賓客親骨肉也

樂具入奏以綏後祿爾殺既將莫怨具慶傳綏安也安然

後受福祿也將行也箋云燕而祭時之樂復皆入奏以安後日之福祿骨肉歡而君之福

祿安女之殺羞已行同姓之臣既醉既飽小大稽首神無有怨者而皆慶君是其歡也

嗜飲食使君壽考箋云小大猶長幼也同姓之臣燕已醉飽皆再拜稽首曰神乃歆嗜君之

飲食使君壽且孔惠孔時維其盡之子子孫孫勿替引考此其慶辭

之傳替廢引長也箋云惠順也甚順於禮甚得其時維君德能盡之願子孫勿廢而長行之

楚茨六章章十二句

信南山刺幽王也不能脩成王之業疆理天下以奉禹功故君子思古焉

信彼南山維禹甸之昫昫原隰會孫田之傳甸治也昫昫

墾辟貌會孫成王也箋云信乎彼南山之野禹治而土甸之今原隰墾辟則又成王之所

佃言成王乃遠脩禹之功今王反不脩其業乎六十四井為甸甸方八里居一成之中成方十里出兵車一乘

以為我疆我理傳疆畫經界也理分地理也南東其畝

傳或南或東

上天同雲雨雪雰雰傳雰雰雪貌豐年之冬必有積雪益

之以霽霽既優既渥傳

小雨曰霽霽

箋云成王之時陰陽和風雨時冬有

積雪春而益之以霽霽既足生我百穀

疆場翼翼黍稷或或傳場畔也翼翼讓畔也或或茂盛貌

會孫之穡以為酒食與我尸賓壽考萬年

箋云斂稅曰穡與予也成

王以黍稷之稅為酒食至祭祀齊戒則以賜尸與賓尊尸與賓所以敬神也敬神則得壽考萬年

中田有廬疆場有瓜是剝是蒞傳

剝瓜為蒞也田箋云中田

人作廬焉以便其田事於畔上種瓜瓜成又入其稅天子剝削淹漬以為蒞貴四時之異物

獻之皇

祖會孫壽考受天之祐箋云皇君祐福也獻瓜蒞於先

福

祭以清酒從以騂牡享于祖考傳周尚赤也

箋云清謂玄酒也酒鬱鬯

五齊三酒也祭之禮先以鬱鬯降神然後迎牲享于祖考納亨時

執其鸞刀以啓其毛

取其血膋傳鸞刀刀有鸞者言割中節也

箋云毛以告純也膋脂膏

也血以告殺膋以升臭合之黍稷實之於蕭合馨香也

是烝是享苾苾芬芬祀事孔明傳烝進也

箋云既有牲物而進獻之苾苾

芬芬然香祀禮於是則甚明也先祖是皇報以介福萬壽無疆箋云皇

也先祖之靈歸睚是孝孫而報之以福

信南山六章章六句

谷風之什十篇五十四章三百五十六句



